

四庫全書

集部

欽定四庫全書

南湖集卷四

宋 張鉉 撰

五言律詩

春前一日賦呈誠齋覓荆溪詩編且邀看玉照
堂花

頗訝蓬萊主相忘不寄詩荆溪雖有集桂隱未容窺地
勝人難老春回律自移梅花如有語莫似去年時

次韻答潘茂洪桂花見懷

藉使音書少何妨好尚通看花雖各自覓句却相同

前日

方送木
樺詩云

嚼蕊晨煙裏寒枝夜月中亦曾湖上坐香底水

精宮

次韻酬喻工部雪中見懷

坐厭增冰地遙思勝熱城忘名全道用遠俗養詩情枕
病憐幽獨心交阻合并晴春開徑在自斷學淵明

雪霽

山負紅銅日雲披綠玉天一晴聊餞臘三白已迎年貴

氣樓臺滿春聲松竹先詩成緣底事鳥跡印蓬船

詩本

詩本無心作君看蝕本蟲旁人無鼻孔我輩豈神通風
雅難齊駕心曾未發蒙吾雖知此理恐墮見聞中

讀樂天詩

詩到香山老方無斧鑿痕目前能轉物筆下盡逢源學
博才兼裕心平氣自溫隨人稱白俗真是小兒言

覓放翁劔南詩集

見說詩并賦嚴陵已盡刊未能親去覓猶喜借來看紙
上春雲湧燈前夜雨闌莫先朝路送政好遺閒官

楊伯子見訪惠示兩詩因次韻併呈誠齋

自作詩中祖翁難子更難波瀾千偈濶光焰九霄寒覓
著由來遠成時自好看頭頭見成字誰道要吟安

別去常關夢書來意已強那看多竹地相對兩繩床壯
志霜空鶻禪心古廟香糠爐熟黃獨待子數分嘗

次韻羅端規二首

世態從渠變前山只麼新
開門便嬾退遇事少躬親
和我詩何益知公道不貧
兩句纔識面枉是自由身
雪牕吾畏友稱譽滿中邊
往矣非喬木生乎仗老天
肯來丹桂裏須醉白鷗前
百計安流好紛紛急水船

次武子韻

宇內張夫子詩如孟浩然
安心從太末

武子舊從天台宏智師遊

借

屋近平泉眼裏彈冠手生來種芋田
相投忽離席佳月戀航船

暑中楊伯虎見訪翌日有詩來因走筆次韻

領取無多話頻年頓不疎幽尋塵土外高韻笑談餘既
悟蕉中鹿寧求木上魚論詩能避暑此意復誰如

早飯菴中次張以道韻

豈是幽人眼從來可慣山有時纔得見覓句不曾閒野
日光尤暖溪梅信尚慳飯餘行便去休待暮雲還

次韻楊廷秀左司見贈

願得誠齋句銘心祇舊嘗一朝三昧手五字百般香絃

絕今何苦衣傳擬自強
草玄非近效舉世漫匆忙

即席次吳季行韻

昔逢欣把袂三歎說吳鉤
共醉虛堂晚還興故國愁
花黃思靖節鬢綠傲浮丘
世濟王門業洪流萬斛舟

連日雪未能多曾無逸見惠二首
遵歐蘇律禁體物語及用故事走筆次韻

鵲凍聽無語鷗饑望不飛
縱饒居士愛亦自到園稀
入幕燈生暈飄池水長肥
何能巧模寫吟思欠幽微

待伴猶虛夜羞明或遇朝但依歌袖舞休向鬢絲飄有
句清堪比令人意自消暖寒林下具相就可須招

簡陳監倉二首

自到南湖日鄰翁識長方一官甘寂寞萬事絕思量疎
見祇緣嬾頻來致不妨松林渾似舊相伴踞胡床
因病詩全少春中忽夏深清幽百畝地安靜六時心樹
茂晴方好荷新雨未禁泥乾容後日閒步酒隨斟

簡周晞稷

塵土真堪畏君髯美亦衰登樓纔會面促坐便論詩社
日休持酒秋香待滿枝客塗書旋買猶似向來癡

北山早興

出郭涼輿穩山晨氣自濃寺園逢水斷塔路過烟重啄
木聲穿竹凌霄色映松世歡吾儻泥那遂此從容

冬至後五日約客晨往極樂精舍因尋梅湖山
作詩紀事

烟重山彌遠林高日倍鮮抱雞趨野店斟水入冰田未

有三冬雪渾如二月天梅花應早慧著眼竹籬前
未苦撩清興騎驢故遠山松篁高下處雲日往來間要
是從今後休教枉却閒烏巾風弄影畫出我詩孱

寄呈尤侍郎二首

卧疾睽人事逾旬只掩扉野情添懶惰宗伯極瞻依籬
落尋黃獨簷楹接翠微

桂隱新葺山堂

健來方數日詩又不教

肥

珍重尤夫子逢人問死生掃門那憚遠出戶直須晴為

國鬢先白因官名更清何時容卜夜燈畔聽文衡

宿治平院長老善恐自紹興癸酉四月住持余
是年三月生

治平前代寺幽勝占唐昌我始生彌月師初踞上方百
年雖未半三紀獨偏忙一事尤堪哂相隨兩鬢蒼

野芳亭偶書

歲歲閒為福今朝命最通看蒲逢紫燕弄柳得青蟲但
願詩妥帖何心技拙工山林過軒紱誰謂只相同

春晚

湖遠慵呼艇春歸只閉門樹高應翠合竹靜自黃昏
軒冕情終薄詩書好益尊人間難辨事夜氣要長存

潘茂洪出疆回以汴都畫山水扇見遺報之五

言

嵩華平生夢騎驢未得遊橐中分雅惠掌上起新秋
報國何能早需時莫漫憂祇應長近眼過夏亦傭收

代書回寄楊伯虎

僧舍匆匆別飛花雨過春水村居自樂城市嬾尤真載
酒青油舫傳書白錦鱗訪君須及早非是久聞人

過楊伯虎即席書事

四面圍疎竹中間著小臺有時將客到隨意看花開拂
拭莓苔石招携碼碯杯昏鴉歸欲盡數箇入詩來

春在

春在將回暑晴開尚帶陰佳時從易過閒日儘能禁臥
室宜重立浮魚樂又沉有詩無亦好爭似有時心

遊大中乾元寺

突兀前朝寺，維舟又一來。
殿空金像暗，徑斷石幢摧。
物相依成壞，塵緣漫樂哀。
僧殘無悟語，猶幸結宗雷。

次韻酬張仲思高郵見寄二首

春來慵把酒，間

去聲

日伴僧齋。風雨梅花夢，谿山老子懷。

有人非吏俗，同好任天涯。
歸上青雲日，幽期孰與偕。

便欲相尋去，山光看水光。
野航因挾策，春韭自炊粱。
踽踽吾才短，翩翩子意長。
文翁他日譽，不但勸農桑。

次韻酬楊伯子兼呈誠齋

我固有詩癖憐君尤苦心自聞非為俗異處却同音病
後閒方乞湖邊秋漸深排門聽車騎相與話幽襟
見說聰明早童年便與玄細看今日句宛似乃翁篇家
譜無他姓文星聚此邊何須待千首一首已堪傳

清暉閣在柳洲寺舊址二首

去市無多地重遊淨客心何人偏種柳今日屢鳴禽浩
興生孤槩歸情戀遠岑梁間滿題詠寧欠我窺臨

幽寺知何處風鐘送遠撞孤花明几席陰樹惜軒窻喚
渡輕舟競窺人白鳥雙寸心方自適肯易利榮降

買書

自笑從來癖詩書滿屋藏不充饑鼠喙即飽蠹魚腸插
架牙籤整開編竹簡香他年林下去誰與記山房

寒食

地僻人稀到簷虛燕未過清愁詩酒少寒食雨風多名
字因農具襟懷屬釣蓑莫驚時節換安分看如何

山茶花

翠翼高攢葉朱纓澹拂花來從山塹側開稱畫簷牙影
薄誰傳繡香清似煮茶幾多輕斂態月動夾牕紗

楊伯子過訪翌日以兩詩見貽因次韻答

晴色今朝好春光恰半頭波情如釣渭圃事勝封留瘦
覺中黃合閒宜大白浮無端同志侶相過結詩愁
句業誠淵海愚方一葦航空成由也瑟難應女媧簧擬
易乾坤別傳家父子香整翰從此去拭背望朝陽

過翔鸞院留題僧房

頻年雖並住今日偶能來
水檻因蓮設風牕為客開
詩凡慙鮑謝社近憶宗雷
莫問通衢隔輕舟自往回

宿八尺月色陡明

將謂無佳月貪程過上湖
纔來八尺住却見一輪孤
帶露寒於水和烟白似酥
江天空想望高下雨明珠

送酒誠齋將以五字

不應楊秘監無暇問南湖
桂樹又花發蓮池和葉枯
雨

聲秋最好尊酒客非無寄去撩詩眼深慙句法麤

過湖至郭氏菴

山色稜層出荷花浪漫開只如平日看自喜此時來楊柳侵船影蜻蜓傍酒杯僧廬須過夜城禁莫催回

因過張郎中識孫才翁教授時徐衡仲亦在坐
成四韻送呈

邂逅如相約新交會舊知軒牕渾未暑賓主總能詩小草浮米楮初篁映錦葵星郎風韻殺我輩盍幽期

挽叔祖戶部侍郎詩四首

從此無因見南園老叔翁朝廷世臣少文獻我家窮達
宦誰無分全材不易逢先王勲第一號慟仰天公

八郡恢成績江山入壯圖風流羊叔子才術管夷吾絕
筆詩猶在酬君志不渝經綸如有位肯墮淺規摹

小小為知已常常說向人論情宗族異問事見聞新囊

錦將誰管

叔祖以青錦囊收磁詩專令侍姬掌之

湖園看未真

叔祖自歸方一到桂

隱傷心嘯菴路不復送親賓

內典存心久家居戒行僧同塵聊且爾著相亦何曾脫
却當來袴傳將不盡燈欲知歸甚處一月萬波澄

次韻王耘之秋興二首

妙墨真連草清辭角應商襟期容汗漫興致入蒼茫派
自王摩詰才分馬子長宦途休嘆滯眉宇見新黃

多士寧王室中宸夢傳巖如何兩京客猶挂五湖帆落
落雲松節飄飄霜葉杉深藏草擻手端欲取澹函

夜飲呈葉司戶

俗薄交難古心親話許深更長銀燭夜院靜石雲陰冷
夢多屏骨修程費老襟松壺梅並插投醉且高吟
僂指捫衣日于今歲六移步趨徒願學憂患亦何為
曉鷗同起天寒鴈引悲依仁方再幸小耐了康時

題畫二首

幾欲疏方沼泓澄泰小魚畫屏先我意覓句為君書
扇舉萍疑動紗明水一如林塘能早就肯但植芙蕖
草樹秋聲合乾坤夜氣生念閒無復夢坐久屢聞更未

試從長劍相親幸短檠欠伸聊覓枕誰會此時情

次韻酬曾無逸宗教

自識閒中趣常嫌閑處行湖山真富貴花鳥小聲名有
客金蘭好貽詩徵角鳴相期耐霜露斯事豈凡情

地秀溪通邑山高寺矗雲望殊驚乍見景勝厭前聞鷄
犬人家樂風煙釣艇紛奔程船徑過雖雨未西曛

徇俗

徇俗非能事便幽定宿緣躍泉新作雨裝樹巧留煙雀

喜頻頻下蜂知小小穿疎風奏簷珮無夢到鈞天

奉寄淮西總領張少卿并呈建康留守章侍郎

二首

湖隱門連草宗盟肯屢尋長才明主眷直道古人心又

引皇華去誰憐白髮侵官居兼靜樂賢帥復朋吟

二公同朝

日有詩
多倡和

別來秋易過幽桂兩番開去歲人同賞今宵夢自回飛

雲遙楚岫斜照直秦淮地念曾遊處春行或許陪

伏日

未曉雨先驟過朝風更鮮誰知初伏日全是早秋天洗
盞嘗新酒臨池摘嫩蓮平生丘壑意不受暑寒遷

稍負

稍負園亭約新簟帶可圍看山真耐久臨水易忘機野
角呼蛇出輕舟趁鷺歸還家欣未晚池藻弄晴暉

送葉正則秘郎參議湖北帥幕

桂隱無期報朝賢去却知累年艱特薦一事必憂時盛

世未應爾重來猶可為相過非為數公論合勤思

問鶴

鶴也來多日今朝認筍輿
繖斜聊引避路轉亦前驅
俗遠眼寧白年初頂漸朱
古囊能背否勝用小奚奴

送喻叔奇工部括蒼二首

三見中朝入徐行每後人
功庸身較晚名譽衆常新
有句須同詠今離似所親
政成應必報山郡易回春

自復林湖隱相從却恨稀
梅花年後白江水去邊肥
世

態紛紛改交心特特違暖晴當送別敢望欸柴扉

山寺漫興

未到楓林寺常吟半夜鐘乍來衝路雨少坐怯廊風漱
齒村茶苦看碑大字工出門山慣見何事意無窮

楊仲子携詩見過次韻酬贈并呈誠齋二首

老監過陳實賢郎似竇羣共將奇句了不許外人分訪
我三竿日縈簾一炷雲當家相見處那此世情欣

愛水移居宅行藏豈但迂若非風月管枉伴竹松臞野

服常寬帶芒鞋亦斷約請君看此老堪作貴人無

重過鳳山高氏

屋負山陲晚籬侵水樂秋農桑能自力鵝鴨豈它求逆
數曾來日遮留更覺稠夜歌聽欸乃催興滿滄洲

永嘉張仲思相士過訪坐間索詩

便靜非形色相逢子獨知功名槐蟻話文字壁魚凝剝
取朝賢譽何須隱者詩南湖鷗正狎休誤鳳凰池

園桂初發邀同社小飲

故故論年賞新看惜未多一香叅衆樹千月下纖娥今
雨胡能阻秋蟲亦復歌有情毋恹醉斯世合婆娑

桂樹下作

芳桂年年種今秋兩倍開略無蜂敢傍為是月中來幸
自晴多日須撿醉幾回便教香殺了猶勝別人歆

過冷泉

未喜亭陰坐先貪樹畔行谿渾因雨瀑巖近得風清一
飯幽人福三杯太古情尚須冰月挂來放雪濤傾

桃花

園翁能好客折贈小春桃
却為開花少翻成占格高
來年紅爛漫繞澗碧周遭
莫忘閭門外曾將進濁醪

桂隱
爽澗

種桃三
百餘株

楊秘監補外贈送

止是尋常月今宵不愛明
江邊有歸客都下減詩情
上自憐公直人知暫此行
賢郎先返舍應喜候門迎

秘監
久欲

求去數月前命伯
子主簿歸葦故廬

名新釀曰白鷗波以一尊送佑聖觀劉高士

酒熟將何字白鷗波正如一瓢誰合飲高士觀中居汗
漫涵無象鴻濛洽太初醒來松戶曉應念臭於帑

湖南舟中贈日者

坐上君但笑人間我最愚百年休較命今日且航湖地
曠山霏薄風薰水葉麤寸陰方解惜總是已工夫

題方竹杖松根枕二首

鶴骨何能爾龍姿或果然鋒稜四面峻節操一生堅界

紙書堪使敲針釣最便從教方有礙終不效規圓
鬱鬱凌寒色來宜此地蟠解衣輕盾日假蓋得秦官香
宿風微墮青留雨未乾通宵巖側夢根竅手藏丹

夢覺

夢覺西牕曉聽風過曲廊好詩非易辨閒坐盡無妨人
靜鳥鳥喜雨來花草香寸心經患難况復近秋涼
二十年前事渾如夢覺時漫行荒路逕難認舊亭基尚
記因逃暑曾來學賦詩如今無可好植杖欲耘耔

夜半浴

濁熱不成睡起看宵過中繁星珠結網片月玉為弓賦
鵲情何有驅蚊計頗窮猶欣湯浴後膚受綠蘋風

次韻答曾司法

精神由日就格律忌雷同我匪從它入君應自此工多
岐憐世路力學振家風莫易朱絃絕千年論最公

命鹿

雙鹿林泉友新居後我成角低方長旺斑嫩未分明濯

濯菰塘晚呦呦草遶晴仙疇吾種玉汝輩耦而耕

正月三日同諸親從叔祖閣學登寧壽觀東西

山尋至鄰園次叔祖韻

超曠欣便靜紛譁厭處濃客親非外約地勝適新逢詩
興驂黃鶴仙情寄赤松烟平千萬戶此處認歌鐘

次韻寄齋贈竹居

振俗還風雅乾坤覓句中夔臯渠合遇郊島我甘同浩
蕩投鷗水清和翻燕風相投兩無語聲遠莫摩空

安樂泉亭上午憩

脩竹有風處道人無事時諸公難入眼不用總如眉得
價婆婆重投閒懶散宜三年何足道

僕歸桂隱
恰三年矣

堅判百

年期

暮色

暮色雲端合晴光天際慳鳥羣斜斗字山態倦螺鬟寂
寂功名會紛紛車馬間拍欄情倍極烟老罩魚灣

夜坐示客

身世長歌裏，于今得好朋。
露階秋到竹，風屋夜吹燈。
菱芡供饒口，圖書伴曲肱。
頭顱知自揣，顧影笑鬚鬢。

表兄劉東玉提幹挽詩二首

王祖扶天日，同聲外氏翁。
功勲俱卓越，門戶合穹隆。
諸舅今何在，唯兄命亦窮。
賢郎須力學，一綫續家風。
襁褓予多疾，三年託渭陽。
未能看擊壤，常是戲登床。
轉首塵埃裏，驚心歲月長。
挽兄賫志去，傾淚入詩章。

老筆贈銛上人二首

握手四年別滿心千偈禪清燈纔軟語新雪尚幽眠了
翻身訣寥寥斷臂緣我懷吾自會惡句莫多傳

已事殷然急江湖第一流才高樓五鳳伎進刃全牛可

惜梅花節忙回竹葉舟老師應賞捧碑巨壓東州

佛照命上

人乞田記于陸太史已得之

自詠

事業新來別賢愚久自知作文時似呪寫字忽知錐賣
屋因為宅謀官本近鑒有來評世務好好只相隨

道院書壁

約客探名勝，停軒得所欣。
山寒多作雨，洞古不收雲。
夜宿聽鳴鹿，晨齋飮野芹。
黃冠尤喜事，添注石爐熏。

次韻叔祖閣學題逸村亭壁

橋迥有牛過，村深無馬嘶。
風驚客袂，膏雨慰耕犁。
遊目花通野，吟情絮著泥。
幽坊愜虛眺，況復見新題。

野芳亭書壁

山向林間出，船從草外撐。
行來風數刻，坐待月三更。
政

自安閒散誰能管愛憎新功喜今夏陰滿蒲萄棚

客舍夜聞吳謳有懷南湖

屋漏燈垂栗牆歌嬾唱叢斷編非徑捷隅座且承聾歌
聽魚蠻子盟寒水勃公月明今夜夢清殺葦間篷

牡丹

分數論春物都應讓牡丹幾枝單葉紫滿檐夕香寒除
我知心切從人得句難肯辭回權日多辦剪來看

湖邊夜興

夜月雖愆約秋雲却薦涼橋明綠水淨樹近覺風香衆
論輕閒適幽懷貴老狂從今無復病處處養生方

夜述

客去情宜獨宵長睡未忺露多應冒砌香重欲蒸簾較
利真誰得耽書肯自嫌爐存金粟火煨蘋不須添

寄呈史太師二首

昔為金闕相曾是玉皇師近即維垣拜還從彭祖期傳
聞風景勝多賦洞天詩肯示漁樵否林間要勒碑

自憐冰氏子父祖已登門屏跡千官外馳書一品尊華

戎心處活

壽皇偃兵生全南北之民公實主議

經傳語前論

公閒居屢有經解

欲

理西風棹因瞻祇樹園

公嘗捨里第為蘭若

誰謂

誰謂閒無事閒中事日生和香雕印脫記石假雲名水
取從龍井花移自馬城若將朝市比忙處却多爭

問訊家林蠟梅

蠟梅吾甚愛園種未能多旋去東南竹新添二十窠離

家俄半月放蕾想盈柯前日丁寧句花神記得麼

行次鷺脰湖

震澤忽忽過胥塘漸漸來風高多罨岸船側屢翻盃積
草攤漁網疎林聚客棹景逢宜急寫句過恐難裁

皇太子生辰詩

慶協丁年應祥開甲觀雄九霞光絢爛重日彩瞳矐根
本千齡固元良萬口同文孫覲堯法聖子奉虞聰視膳
長遵度怡顏但飭躬形容歌玉粹瞻仰見淵冲象輅陳

儀肅鸞旌定制崇承祧雖位震寶儉只扉銅典學勤無
數談經異必攻性天元啟闢講席更磨礱以貴釐京兆
維裡禮昊穹理繁情畢見陪祝敬彌隆善政邦人洽純
誠帝賚通澄源基廣大主鬯福延洪綺角從遊盛應劉
藻思工德尊謀不用唱古和無功八法誰云易前朝論
亦公規模傳聖上意韻出胸中草軸方翔鳳真題復起
鴻聯翩來殿戟焜燿到門蓬雨足湖山秀秋成黍稷豐
菊香金錯豔橙嫩玉垂叢五學懽聲合三宮喜氣充駢

蕃恩莫紀洋溢譽無窮得數多椿栢齊年指華嵩前星
高拱北少海正儲東拜手羣僚集裁詩瑞錦蒙何嘗漸
魯頌自是邁豳風拊迹希隨驥馳心屬夢熊三熏申善
禱小伎媿鳴蟲

對雪

漫記今年雪先慳半月晴乍飄偏有態猛下却無聲水
繞長春圓人居不夜城弄寒羣犬戲驚曉獨鷄鳴橋凍
泥添滑牕虛紙借明冷妨梅早慧高妬柳輕生淪茗嘗


深鼎臨書厭短檠鵝迷鵬失素鷗混鷺爭盟日壺銀烹
出龍沙粉築成歌鹽唐按譜聚米漢談兵曳履需公詔
吞氈感使旌初平羊變石白起甲填坑賈舶停珠浦朝
駢萃玉京馳銅誇北錄馬瑞遇東瀛雲凝情俱淡風旋
力驟瘳藕邊侵緯宿酥畔比螺煙敞坐詩牋接歡筵舞
袖迎緣甕方盼轉入幌忽縈盈煙滿空翔鶴潮翻海縱
鯨藍田難愛寶月窟助蜚英甕罩杯誰覆盆冰鏡不傾
瑤隨王粲珮璣綴李彪纓豹舄宜分色麻衣浪擬清齊

腰休更舉巴曲試煩賡

巾車

聽說小巾車形模似竹輿雙輪羶果去三壁帽開舒僮
矮行攜硯鬟嬌坐奉書寄我回徑處輕輟度橋初鶴引
青莎軟鶯看翠柳疎袖爐香正噴背榼酒多儲過愛涼
軒敞停因燕館虛直須教畫看全似出塵居緩駕終調
鹿忙牽莫命驢只緣心蕩蕩自到境如如剩有真堪寫
時無憤可攄尚慙銷粟帛何事免綠鋤命駟邀朋客籠

鵝謝里閭屏星前日夢不枉賦歸歟



--	--	--	--	--	--	--	--

欽定四庫全書

集部

南湖集卷五

六

詳校官庶吉士臣范逢恩

主事臣呂雲棟覆勘

膳錄監生臣嚴績曾

欽定四庫全書

南湖集卷五

宋 張鎡 撰

七言律詩

庚戌歲旦次張以道韻

農家正旦喜占晴老圃觀風趣早春
兩事欲尋強健日一生常作太平民
紹熙初歲新開歷典冊崇儀極奉親
詞拙固難傳樂府水邊閒示釣魚人

立春日訪梅裴氏園

下馬東風恰到來午煙沙際日烘開長松寂歷寒聲少
遠柳蔥蘢綠意回零落歡遊逢故地黃緣幽勝逐深杯
湖邊不使儂先詠枉却今年處士梅

正月八日喜霽

未春天氣已佳晴病起光風滿意明竹色舞簾金翠活
鳥聲穿戶角宮成黃麻天上登周召濁酒林間慕綺縈
從此尋芳繞阡陌野翁相遇詫時平

燈夕

插花呼酒少年場，爛賞花燈十里香。
璧月當天星緯少，珠簾排戶樂聲長。
非緣風景今殊昔，自是情懷老不狂。
贏得安禪心似水，碧琉璃照佛龕旁。

次韻潘茂洪春日書懷

東風漸放柳遮門，隔水人家聚似村。
漁艇遠來誇浦里，僧隣閒過講慈恩。
花繁慣識蜂情性，晝靜初聞燕語言。
病起適逢春正好，莫教詩思却塵昏。

春晴獨坐次叔祖閣學韻

盤髮綠柳拂垣衣課蜜蜂忙踏藥歸須趁一春隨意適
極知萬事轉頭非添壚麝餅遮殘火擁案塵編絕故羣
便當清歡忘肉味況安淡泊少甘肥

三月十四夜觀月思南湖

期會紛言不到詩拙哉前計只心知縱當吏散庭空後
爭似山行水泛時柳影半籠明處路葦聲輕窸暗邊籬
波神擅此三更月定訝今宵欠笛吹

寒食不出遨

湖南寒食又今年宿雨連朝洗舊烟竹葉酒邊閒鑿落
杏梢牆畔出秋千游歡殆類前生事老態惟思白晝眠
明日水邊晴更好只愁歸思渺秦川

五日榮陽郡王餉酒

閒中滋味諳來慣懶費心情為節辰丹篆但期詩崇去
紅泥俄見酒壺新移船遣送隨魚信洗盞開嘗對鶴賓
絕勝淵明過重九東籬空伴白衣人

重五日不飲偶成長句

林墅光陰日日新不因時節強隨人青紅雨砌戎葵柳
金玉風池荇菜蘋千載是非均似夢一朝醒醉肯沈身
綠絲萋歌喧兒女誰信清吟清興獨真

五月十六日夜南湖觀月

良宵觀月豈無人未必能看到四更山載塔燈金筆立
水搖亭檻玉簾橫歌從菡萏香中起酒向玻璃盞內明
誰信南湖當暑夜葛衣風透覺寒生

對月

景奇天遣助詩豪意快慚無鍊句勞一夜月暉金盃出
萬波風擺玉鱗高衣冠城裏多新貴酒脯船中自老饕
未著叢書追笠澤此行扶路且遊遨

煙波觀月示客

半年殊少夜間來湖上今宵絕點埃人老縱教過百歲
月圓難保看千回舒眉酒飲休辭滿衝口詩成不待催
自有一般堪樂處却言山水近亭臺

七夕前一夜翠樾堂設醮

矯首千尋古杏欄
遠林空處月鈎纖
龍蛇藪澤秋聲起
牛女虛空夜氣添
滿蕩荷開從北看
危欄塔立向西瞻
綠牋封事精忱達
髣髴鬱天香羽袖沾

七夕

秋近疏飈未轉涼
綵盤珠閣已傳觴
佳期天上頻逢節
却老人間未有方
蟾魄嫩明情繾綣
鵲河斜界色滄浪
瓜盤華錦空兒劇
禱旱于今仰聖皇

秋暖

秋暖渾如水上春意行幽徑散衣巾
海棠突過色尤好
荷葉打空芽更新焉得便遭田父飲
不須真現宰官身
今朝涉趣初懸榜爭覩何妨走四隣

桂隱園門
名涉趣

秋夜

疎星歷歷間銀河天澹渾疑瀉
素波牆角影低遮月少
樹頭聲壯著風多平生但念長閒好
萬事從教若夢過
要足一詩添故藁小山池畔更婆娑

次夜月色復佳遊霞川錦池二首

倚欄看月興難平
載酒還須入澗行
竹頂有時翻鵲翅
草根隨處鬧蟲聲
城中豈是無人賞
船裏何曾卧地撐
遊遍一池心未足
亂荷叢底聽三更

畫橋烟重柳垂垂
露濕衣裳透始知
丹桂花香牆畔起
水蒨枝影席間移
思量究竟都如夢
戀著休閒煞不癡
夜半江潮聲正熟
歸來纔是欲眠時

秋聲

林居多解識秋聲
豈是松篁耳慣經
梧桐雜蟬鳴愁易起

蕉和蜚響夢頻醒琅琅急雨喧荷港
憂憂清風戰葦亭
一事古人猶可恨不言楊柳最堪聽

秋風

策策驚飈戰素秋夢回衾幔亦飈飈
不傳鴻雁秦關信
可柰蘋蘩楚客愁作賦未須悲落木
掛飈方喜助歸舟
何須更借搏扶便自是層霄九萬遊

贈鴈

我自江鄉有姓名相逢契合義相親
連行幾宿來棲草

戢翼常時想避人
石岸風高難到縣
今宵船住定為隣
南湖若肯尋幽隱
却把裘腸自縷陳

重九前一日領客登城即席次張以道韻

未倒花前鑿落金
登携那怕嫩寒侵
歸牛下隴爭浮水
宿鳥隨山不過林
衰鬢預吹明日帽
放歌時帶故園音
菊烟桂露雖情物
須索高蟾管夜深

冬日

半空飛雨整還斜
翳日遊雲散復遮
七字吟情書柿葉

一年心事約梅花
關門人識陶潛室
靜坐自疑龐蘊家
紙帳蒲龕方用事
更須何物作生涯

十月菊

幽芳何事獨開遲
寂寞寒金照短籬
老子樽罍方欠此
春風景物最相宜
要隨得煖南枝發
肯趁登高九日悲
翻笑陶家門外柳
夜深零落舞腰肢

冬至日曉雪庭桂一枝著花戲成長句

居士歸來百事嘉
木樨雪裏也開花
麝金一掬枝頭小

藥玉千溝屋上斜
境界許奇非浪得
色香俱靜更何加
高寒似我休拈出
微笑從來少作家

侵晨飛霰薄暮雪未成

吮喔花冠夢易呼
凍天應遍色模糊
旋聽索索敲松瓦
便擬翩翩傍酒觚
一白要從高砌看
雙清先喜小山俱
晚簷坐斷違消息
待問林深寺有無

園中梅有開者寄呈當塗叔祖

春到林梅得重權
首冬疎萼已爭先
移栽尚記陪深簞

靜看因思覓近篇
佐世勲庸金鼎味
貪閒懷抱竹籬烟
臨風欲寄橫斜去
夢繞江城暮角邊

昨探梅冒寒伏枕
病起聞花已開尚
苦雨阻因
成長句

小園春事果如何
分數梅花最占多
貪看滿梢初的皪
病妨連日繞婆娑
鳩聲喚雨風還至
鶴骨棲愁夢獨過
豔陣香天翻霽色
明早拚取醉顏酡

寓舍聽雨憶園中梅花

陰霏非是妬春華
薄命詩人帶累花
烟逼艷低侵竹冷
風攔香橫逐溪斜
開時數日曾邀客
別後連旬阻到家
簷溜可堪聲徹曉
夢中餘恨亦無涯

曉探晴觀梅

天雞催日界牕橫
躡屐看花興便成
正爾飛霞舒綵珮
儘渠宿雨結珠纓
飄零未帶溪邊笛
縹緲如臨海上城
身世長吟誰會得
華祠梅市總逃名

次韻周昭禮見寄兼約觀園梅

沙頭晴了便回春已覺青蘋媚煖津但課澆畦園內叟
何心說劍里中人超情耐久寧拘遠合處無多頗復伸
待得梅開醉香海健呼重看老精神

約齋西窓先有垂柳臘後四日闢地增植花數
十輩

經年規畫種酴醾柳際春將一再歸蔓草藩牆纔放遠
海棠桃杏得成圍連宵冷月知予樂數日條風挾鳥飛
盡寫前人題品句誦聲時撼綠窓扉

花每種擇名公詩
數篇書於壁間

雪

闇夜驚飈落樹巢
平明溝瓦漸迷坳
磬函靜聽來千騎
珪壁遙知委四郊
再白呈祥矜大稔
積陰噓氣過方苞
池邊廢沼邀閒立
乍合冰漸怯杖敲

雪晴希稷次韻再賦為答

凍枿歸禽易辨巢
燭龍分耀入堂坳
長須喜戒鋤荒圃
小隊閒思獵近郊
坐許剛筠全直節
行看弱柳發新苞
僧爐遙想煨松杓
犬逐鷹門認客敲

丙午十二月晦日雪霽

曉愛晴暉萬瓦融近山春意便葱蘢
敲冰踏雪三旬裏

送臘迎年此夜中仁政果能銷運厄

皇上以積雪苦寒
釋囚犒師窮民家

給餼粟歡聲沸動和
氣充格陰晷頓解

閒家何幸樂時豐明朝掃徑看桃

柳要識天公兩樣風

守歲

寒缸孤照聽更遲情緒斟量睡却宜
春向歲前三日到
老緣頭上二毛知朱泥逐疫燒靈藥
桃板書符換舊詩

但願明年更閒散無災無難復何疑

夕霽

霜雪連朝作勁威暮來吹散景偏宜未開璧月千秋鏡
已建金雲十丈旗脫帽漸看山崑崙襲裘須判酒淋漓
乘閒書紙休嫌數簿領叢中怕說詩

春分後一日山堂述事

永日柴扉手自關不驚時序若循環鍊成黃土為真藥
守得青苔遍假山戊己燕知隨鳥歷西南櫻喜趁花斑

春光莫恨中分過能使時長始是閒

每到山堂懶作詩今朝詩興覺偏宜層林颺運陰填戶
亂石巖從翠繞池猛欲近前聞紫燕忽聽高處嘯黃鸝
風鈴不必簷間語境界非凡我熟知

老圃工夫可嘉種藤繁樹盡開花人間似我能閒少
石上看雲到日斜樵徑有苔休埽紫茅菴無客亦煎茶
兩邊最喜添新竹夕照斜時漸可遮

巖通道院碧桃妍別號琅華小洞天香火微官方稱職

軒裳閒夢自無緣
星壇夜禮魁罡列
丹室朝存震兌全
絕粒飛昇休慢語
不求人已是神仙

閒課

居閒授課孰為優
似此工夫盡不愁
量澗打船輕似蓋
轉牆開逕曲如鉤
已令山圃收黃犢
又蓋湖亭記白鷗
春水畫橋桃四百
新年那羨武陵遊

自詠

南湖老子太汗漫
第一生來懶做官
錢物用多常是解

權門路便不曾鑽紅裙遣去如僧榻白髮梳來稱道冠
若沒祖財教飯飽定應餓作壁魚乾

自嘆

居士年來更覺癡竹梢雲過望移時曉窓倦櫛猶思夢
夜榻忘眠尚改詩匹馬未能隨李廣一丘端欲效元規
客談休訝無心對貪看蜘蛛結網絲

山堂晚興

小堂清占景無譁不向堦前種俗花過雨家茶脫黃玉

近霜天竹綴丹沙靜眠寧羨蟻來夢孤坐屢語蜂報衙
萬事一身安分定關河休用發長嗟

園中晚興

滿襟斜日澹如秋烟竹湘花結暮愁幾樹蟬清新抱葉
一灣魚樂舊忘鉤蔬盤飽去山家飯楚調吹來水國謳
此事不教千載識苦諧時輩祇貽羞

竹軒詩興

柴門風捲却吹開陜徑初成竹旋栽梢影細從茶椀入

葉聲輕逐篆烟來暑天倦卧星穿透冬晝閒吟雪壓摧
預想此時應更好莫移牆下一株梅

偶書

移居桂隱詩全少半為支離半為慵今日一盃纔引興
便成七字不求工鶴來池畔閒尋水蟬在松梢快語風
門外車塵紅似火喚渠不應囁嚅翁

花柳無情浪占春浴鵝波煖早方熏催畊野曠鳴黃犢
瞰客籬疎立茜屨拚睡工夫便日永得閒滋味苦愁分

行行快趁風煙閣，萼繪詩壇要策勲。

清曉啁啾響衆禽，共忻暄色上穹林。已如料峭春初景，

不作蕭條歲暮心。堆徑尚看桐葉在，遶籬那顧菊叢深。

秦正嘉月將何祝，長壽新芽當酒斟。

客有送建茗來者名長壽早芽

野水因晴自少文，淡雲當晝不容昏。夾泥船小纔通港，洗菜人歸定入村。布穀飛鳴隨燕去，春鋤俛啄得魚吞。春風有得詩如許，妙處從來復細論。

客有折秋香來，桂隱者喜成七言呈以道。

半紀移居野水旁
年年嘗為木樨忙
若非老樹從頭發
安得西風徹骨香
數朶折來猶甚愛
滿林開後得無狂
今番莫把尋常比
一段清香兩主張

南湖書齋

雨深愁入樹花飄
盡際翻晴現帝霄
目力壯時蒼岫長
心情閒處戲魚跳
秋雲總是詩家物
夜市今連里陌橋
船子不來同載我
却驚翡翠出蘭苕

題尚友軒

作者無如八老詩古今模軌更求誰淵明次及寒山子
太白還同杜拾遺白傳東坡俱可法涪翁無已總堪師
胷中活底仍須悟若泥陳言却是癡

次韻叔祖閣學秋興

歲序推流感世浮樂閒宜早向農疇修梧綠減俄過夏
短髮絲添剝得秋千古是非歸嘯傲一門酬唱勝交遊
祇因名句多難數常笑區區趙倚樓

桂隱花正開得誠齋木樨七言次韻奉酬

未說香高衆卉林清名先已入人深夜青萼綠不見珮
屋貯阿嬌純用金久恨酒腸慳似殘更輸詩字響如砧
公能為辦歸休計肯向花前嘆陸沉

真語載萼綠華著
青衣而不言珮玉

誠齋再韻見遺走筆復和并邀尤檢正京右司
觀花

要趁清霜未染林小山同賞桂叢深已拚醉後纏頭錦
莫待風前布地金蘭漿迴流歌客櫂麝材勻搗付香砧
戈揮就借如椽筆不信湖邊日易沉

誠齋三用韻因更和呈以堅顧臨之約

不比先賢傲竹林鳴騶許過徑蓬深
瑰詞走送驚聯璧
鈍思追酬漫注金
巖底幽人矜社甕
閨中幼婦感秋砧
何如醉袖淋漓墨
一笑人間百慮沉

尤丈京丈和篇畚至四用前韻為謝

江南從識桂花林
歲歲逢秋屬意深
夜氣未添承露掌
曉光先上辟寒金
玉笙殿迥應留月
鐵杵巖高不用砧
爭似吾家種流水
擁香亭榭綠沉沉

李衛公樂府桂殿
夜涼吹玉笙
衛山

記載桂英巖上鑿石
為臼有鐵杵倚巖畔

五用前韻詠丹桂花

遍看韶淑萬花林誰似秋風巧力深
點注紅泥千日酒
剪裁紫磨十分金色迷仙令疑勾漏
香醉姮娥忘藁砧
莫把釣竿烟外去珊瑚休道海中沉

安溪山間尋桂得之

心期經歲只秋芳況有溪山近好涼
天宇蕩開暄濁意
巖花催就沈寥香招尋擬把深枝折
愛護休令背藥傷

三五冰輪行散影仙凡同異要平章

晚步池上

藤杖徐穿竹徑涼地寬那更水雲鄉山明屋背髻鬟聳
蟬奏樹頭絲吹長蓑笠釣船家自有軒裳朝路夢俱忘
英雄本志今朝得十畝香荷著醉狂

納涼至夜深

積潦斜陽忽射堦夜深穿樹雨還來披襟徑放清涼入
倚扇微教嬾困催出草亂螢時自照叫空孤鳥暗飛回

貪吟四鼓猶妨寢除此人間念總灰

遊石湖

幾年飛夢越來城試扣柴荆恰快晴
松菊正愁閒客意烟波真似主人情
黑頭據要方行志綠野當年浪得名
我亦鄰鄉植桑柘訪公非為憶萼羹

泛湖

駁雲飛去見晴嵐疊巘平湖影共涵
景與新詩爭上下天將真賞冠東南
頻來但覺如初到得侶何妨縱劇談

歸路一彎明月好
開花風裏躍華驂

曲廊

曲廊桐樹綠陰陰
簷珮風來奏玉琴
但有疎簾知獨立
更無塵事惱閒心
雪霜鬢畔誰能免
城府胷中枉自深
二六時辰真快樂
坐禪纔罷即行吟

自橫山歸偶成

杖藜如向碧空行
路轉松杉面面聲
遺廟香殘人少到
古臺仙去草閒生
都緣世念多時絕
不但塵襟逐境清

却上小輿歸寓舍晚峯明暗紫烟橫

秋日登集仙臺

地荒無處可追遊賴有茲山景頗幽
遠水一隅橫雪練喬松千丈舞雲虬
飄飄霞想生來避膠擾塵心老更休
不向是中觀月去城中那可度中秋

聖井亭

重到虛亭意豁然望高容易覺秋天
山連曠野全無水樹雜輕煙間有田
極目幾時忘去路西風何日送歸船

殘蟬更喚斜陽好
襯出金剛翠篠邊

離城中

雨後溪流爾許深
枕堤樓閣靜沉沉
暫來殊鬱登臨恨
欲別難禁去住心
倚檻乍離橋百尺
繫船猶戀柳千尋
黃昏最喜林端月
影掠波寒徹底金

野芳亭寫望

晚雨淒微葉未斑
小亭非但損西山
船行半出青蒲末
塔立參排襍樹間
了事兒癡妨劇醉
澹陰天氣合清閒

幽居不與紅塵隔退食何能一往還

汎錦池霞川呈張以道二首

夕風輕颺一池香遙為荷花泛短航俗子幾曾貪韻勝
閒人贏得放清狂幽棲野鶴林松黑亂撲流螢水葉涼
會取渭川當日意不將終老俟周王

戲選嬋娟結伴來畫橋低處側鸞釵媧簧靜試醒鬆響
魯酒聊傾曠蕩懷萬事亦須從使便百年無過任天排
憐君近許同心友分取湖光到竹齋

以道次韻因再和二首

秋林何翅一般香
楚思無窮屬野航
不必再參龐老語
要須先會接輿狂
青燈漸向韋編熟
白露初添玉井涼
久矣蕩除人我相
莫疑高尚鄙侯王

頃年尋地喜初來
牆下松飄滿徑釵
屈指五經寒暑候
教人一掃利榮懷
南湖又共詩翁住
東寺須連單位排
觸景未嘗瞞昧得
肯從顏氏學心齋

蒲龕

紛華嘗遍氣豪麤未到衰年一點無
行幃不施機上錦
坐龕祇葺水中蒲
斜斜策杖隨樓屨
寂寂聞香對瓦鑪
若昧那伽常在定
結跏徒費鈍工夫

雨中約梅再賦

寄語堂前萬玉枝
未須開盡等人歸
行雲佩雜衣從濕
賤水裙輕步自微
關塞垂楊橫槩賦
禁津芳草揆毫揮
為君豈復仍關念
看到清陰碧實肥

寒堂夢松

堂成初喜鬚龍肯夢當年十八公
寶樹未穿煙際雪
鉤天先聽日邊風
成丹得所從春首
棲鵲無聲過夜中
誰遣牆陰接芝徑
月晴應是費拖筇

蒼寒堂

短橋斜路入松林
何止能銷利欲心
眼悟一真清淨色
耳通千古泰和音
尺量梢影邀僧記
竹護根莖恐鶴侵
莫訝埽爐多宿火
春晴猶似處雲深

約周希稷遊湖上園

句法參同李翰林風流依約謝宣城放懷應喜醉三日
聽曲知無誤一聲箬葉露方高石室桂枝香譜度銀笙
西清東觀遲歸去相就盤跚勃窣行

夜自叔祖北園歸

夕靄生涼竹徑迂快風吹馬出通衢疎星落落連城闕
擊鼓闐闐雜笑呼竟日浪追河朔飲幾時真在輞川圖
歸來小憩松棚下繞燭飛蟲索扇驅

出寂照行至書館

茅屋雞聲過日中
熱雲蒸雨轉無風
形勞自背當年說
句快全誇近日工
破院未成投宿計
初欲到廣覺寺枯田猶覲
入秋豐情知必沒
揚雄宅看竹何妨
揖主翁

清夏堂

去歲臨池未蓋堂
暑天來看已多涼
穿花鷺立青為繖
放櫂人眠錦作床
今夏好風簾影動
良宵閒坐月華香
低頭笑向闌干說
有汝詩中味更長

碧宇書興

非關鄙性泥林泉境熟由來意自便童子靜看煎藥竈
鷺鷥閒上釣魚船隈叢野石雲蒸黑帶雨堤花錦壓偏
辦取一生無別事饑時喫飯困時眠

卧疾連日殊無聊賴客有送二省闈試題者因
成四韻

春恨都緣少得晴雨聲渾是落梅聲新愁多病易投隙
薄命壯懷難抗衡人世只宜常放逸杏花多愛逼清明
青袍白紵紛然夢自笑生來入念輕

述興

履聲幾月到園稀
雪後煙香特地宜
已見新晴巢喜鵲
更添垂柳客黃鸝
人來有話亦大好
酒不酬春奚以為
今日正晴休怕冷
笑中天地角巾歌

睡起述興

功用今年百倍加
園中添就好生涯
大於橙樹夜合樹
肥似桃花巴欖花
煮酒未嘗先問日
袂衣初製漸裁紗
起來不是貪眠在
齋後僧憐未瀹茶

自料

自料躬耕體力微
他年為圃雅相宜
植茶要是依桑陰
種芋先須納豈箕
藥愛金櫻長林薄
花因木槿作藩籬
祇應分絕陶朱富
不願魚繁六畝池

遣興

笛簟疎明壓砌窓
重陰經日閉脩廊
黃梅未長先愁雨
翠樹將成擬納涼
箬袖好書多便看
伏瓶生酒漸堪嘗
誰能自縛無涯事
早辦風漪百畝塘

畫寒一杯輒欲酩酊因靜坐道室

歲晏常多白晝陰
軟簾羶帳禦寒侵
觀書偶要得天隱
作傳定難題醉吟
犬吠遠聞風綽散
葉凋誰顧雨堆深
湖邊莫道春回未
紫草依稀動絕岑

曉寢喜成

人間一事最幽奇
病醉皆非半睡時
經紙屏低心正愜
木綿衾暖足慵移
蘧蘧蝶夢縈孤枕
呃呃雞聲過短籬
無奈衝寒早朝客
不知踈拙是便宜

戲題

人前一語撞翻牆直氣西秦本故鄉
雪野射麋輕隊馬杏園移象矮交床
詩忙渴硯酒磨墨睡足趄廊花奪香
矯揉盡歸官樣去有時閒笑錯商量

改舊詩戲成

不作新詩只改詩當家功用亦幾希
金牛迎刃未能解六鵬遇風先退飛
欲脫規模還似舊枉教軀幹不曾肥
何如盡付紅爐火免使羣公說是非

次韻張唐卿

邇來衰鬢漸當簪杖策投繻感壯年得失暮三朝必四
才能人百已難千顧形真是臞仙薄琢句何堪大手聯
紈袴紛紛能索我勞君眼力世情邊

次韻酬唐老見贈

菊邊莎處坦平居危逕吾知勉覆車爭似即時三盞酒
何曾得力半行書魚鄉坐占真清矣蜂戶行看亦要如
過我不疎君始信向來猶恐壓荒墟

次韻譚德春見寄

端的公宜語箇中對山縈碧照清冬鶴毛雨漬苔錢古
蟻穴風堆橡斗重已乏尖新陪世話斷無閑區拆書封
一軒煨芋方題榜時過松扉慰我慵

即席次韻器之相贈

會閒須是莫論年直把浮生付且然桂隱欲為山宰相
漆園曾是地神仙看抄妙句行催酒更向清流卧泛船
但喜相從得真樂何心玩世學前賢

次張以道韻

無愁便是樂無涯
看破紛紛眼裏花
旋洗杯盃將酒試
重糊窓戶把風遮
丹房火鼎頻添水
衣櫃香爐就焙茶
判却一生閒理會
共君難數第三家

次韻奉酬張野夫見贈

謀身堪笑若畚鋤
甍社棲寒水滿湖
近寺偶成蓮社似
為園非效輞川圖
清樽酒好詩中聖
古塚珠存念大儒
久矣自求無所用
喜君能好柏楸株

次韻陳秀才

規模渾是野人居剪結蒼松蔭屋除閒把歌眠酬懶架
靜便徐步當安輿青精飯好終延老紫石潭空總付渠
玩世從來畏人覺他年方信此心初

玉照堂觀梅二首

絕憐一見一番新短直長斜意總真繞屋便能雲態度
問春誰更雪精神栽花十畝猶嫌少與我多生定是親
為惜生香怕閒却折歸聊當散花人

未辦當春句法工坐來花下泥春風山高水遠須人領
玉潔珠光喜日烘越女信知天下白屈平那是澤邊窮
明朝風雨從教有老眼今年已不空

送陳同父

事因前定漫驅馳諳盡人間合似癡萬卷經綸大儒業
一生忠憤上天知長安又見垂楊老淮甸將興故國悲
雞蔬竹籬歸夢否會間方稱是男兒

立春日園梅未花書呈尤檢正

凍禽先自起多時
煖戀衾重曉不知
栩栩夢回思樹繞
綿綿息動離床支
十行猶用午年歷
數首初編丁藁詩
臘雪已多春定好
願求名句掇南枝

磧櫛

澡濯新宜白氎巾
睡餘臞面滌昏塵
三薰衣潤乘沉麝
一沃湯柔和芷辛
衰髮任從清鏡脫
壯心不逐故書陳
消平孤悶將何事
燕坐移時定谷神

遊臞庵

入門黃葉擁危橋竹裏山茶刺亂梢釣雪亭修人未坐
浮天閣廢鷺應巢百年勞役終奚為一段風流忍獨拋
寄語王家早營葺他時相對我衡茅

欽定四庫全書

南湖集卷六

宋 張鉉 撰

七言律詩

湖上呈虞仲房

謁客衝泥路有聲
筍輿風裏轉高城
秋山正要一意看
曉日倍添雙目明
淺灤鷗盤思腐啄
孤汀鶴立念遐征
世間似我詩多有
莫漫逢人道姓名

簡馬架閣

江浙聞人馬少伊識公因誦雪窓詩交馳刺字休嫌阻
一見人生自有期城郭村翁誰問我親王嬌客罕如斯
雞聲風雨相望處情致先多會面時

皇太子生辰二首

無射吹銅恰四莫紫微深處粲前星木行襲慶聯三合
火德流光共一丁玩鶴怡神資葆毓聞雞為善想儀刑
豐年在在歌華黍鴻鵠高飛萬宇寧

歡聲叶氣藹乾坤榮觀于今貳極尊天子聰明屬文子

人推勇智實湯孫百寮銀筆松椿祝三殿瑤觴雨露恩
久託重暉無以報蕪音常是愧雷門

即席次潘茂洪韻

我恨填胷三斗塵略無警句可留春煙雲空外吹成鶴
梅杏枝頭長就人但解時中心獨廢自然隨處樂常新
諸公要識居園法第一先教懶是真

過鳳山高氏以榴實薦酒

灣洄綠處得雞聲俯檻山宜柳外明京洛漲塵衣半黑

邯鄲炊黍夢曾驚
榴皮就為翁題好
竹葉能邀我興成
辦此一廛歸老計
弄孫相對說春耕

以洞庭橘寄楊祕監

橘色渾如柿色黃
誠齋有句合分嘗
豈為都市頗難得
要是洞庭親寄將
雨露山中今有味
星辰天上舊無香
遙知老監開奩處
為醕椒花雨一觴

誠齋自醕酒
名椒花雨

呈吳居甫待制

挺挺風規軼輩流
肯因官譽揜清脩
南宮妙畫多時見

北固新篇去歲收，每念小人同話此。曾知閒客到門不，
平生自笑迂疎甚。趨造纔頻更覺愁。

送吳季行監丞知簡州

兩門情義一鄉中，祖業還同社稷功。債舍偶隣逢事少，
訪余時幸慰詩窮。割符忽為榮親去，橫槩多因得地雄。
強飯肯隨官職禱，故家當勉報文風。

長至前夕書寄陸嚴州

銅爐熟火暖無烟，一盞清燈紙帳邊。遲睡頗如除夜景，

新陽方幸好晴天詩成水閣梅堪折信斷山城鴈不傳
莫待扁舟叙睽隔歸來身作紫微仙

送趙季言知撫州

同寅心契每難忘林野投閒話最長自是文華兼政術
非徒神秀出天潢臨岐暫送魚符客指日歸來畫省郎
詩社不應常寂寞賴君搜獎出江鄉

余家兄弟未嘗久別今夏送平父之官山口冬
仲朔又送深父為四明船官因成長句

遵渚霜鴻散漫飛江天分序益淒悲孤生只合羣居樂
半歲那禁兩別離發軔固知期遠到望船猶怕獨歸時
書來豈是寒暄語盡寫衷情慰渴饑

呈毛崇夫司直

春到深時味更長草晴勝似雜花香清陰漸次迷天綠
白髮依稀照領光逐婦牆鳩知雨近生兒梁燕補巢忙
擘牋謾記今朝景朝路歸時肯易忘

次韻酬新九江使君趙明達二詩仍送自製香

餅白鷗波酒

紛紛金珮與瑤環骨相如吾敢妄攀居處何曾離城郭
襟期終不負湖山杉旁試履拖雲濕石上敲鈎破蘚斑
衝曉樵童便來往思量誰是我投閒

歲晏懷人水一湄歸鴻去鴈各參差寒風不解頻吹夢
疾置何妨數寄詩釀酒改名聊濟勝和香因譜更求奇
路遙不暇多餅送一炷同參日漸遲

酬張子立投贈

論文嘗到愛山前屢費金猊水麝煙舉世無人憐易絕

蓮社有易解愛山堂名也

今年有子得詩傳慵隨肥馬輕裘俗要結

高山流水緣淺拙固難酬妙寄漫撩春夢草池邊

次韻酬潘茂洪見寄

懷人非特為能詩襟抱如君坦復怡三徑許時無地覓
一生高處只天知江湖老夢疎蓬慣燈火涼秋細字宜
此興未嘗殊往歲水邊唯欠詠黃葵

酬曾無逸架閣見寄

貪閒常怕拆人書今日開緘病已無數紙雲情動金石
一篇天籟集笙竽心交物類相感志願在衣冠盛事圖
無逸兄無玷
今主大府簿稍稍斯文振吾黨快來青鬚躡華途

次韻酬鄭唐老見寄

黃葉歸根靜不風迴塘雪後正消融山林有分吾當去
簪紱方興子未慵點檢寒榮梅又動思量暖事李將穠
橋南水北來還往露布詩篇不必封

次韻王耘之

白汗翻漿九市人清風誰似此論心壯遊淮上官聲起
重會都城句法深久矣求才膠柱瑟老來逢事不徽琴
漫湖又見香荷發煮餅須同近寺林

次韻酬杜材卿

樓寒鶴骨舊吟轔別後溪山夢不扁世事益知推去好
鬢毛渾減向來青詩篇又見聲諧律才興何疑刃照硯
愁裏不妨同茗酌古梅園種百龍形

謂桂隱

呈張左曹郎中

持節江湘公去久浙西風月我孤吟相逢未叙三年話
此事先拋一寸心風調不因通宦汨世塗尤見故情深
隨人一錯終能復林墅應勞得得尋

離蘇州回寄太守袁起岩郎中

吳中佳地舊長洲來往空回信宿留泰伯廟存那暇問
麗娃鄉近未曾遊詩翁燕坐迎香閣閒客歸乘釣月舟
想見名章已成集韋郎何得擅蘇州

伴書回寄建康張總卿

湖上初晴擅曉涼一絨俄墜讀書床月卿星使年年憶
雪白蘭薰字字香聞道江邊勤叱馭也知鷗外靜鳴榔
新君未識詩人在早覲楓宸荷紫囊

種蠟梅喜成時欲暫往梁溪

出得荆扉喜欲顛園夫撐到蠟梅船
色封山土根微脫束縛溪藤葉尚鮮
搬處側從新逕裏種時圍向舊臺邊
叮嚀等待吾歸看切莫開花小至前

時賢有爵高名重而不自由者再念閒居之可

樂為賦長句

多幸因愚得養恬
林扃風變陡寒天
杯傳蕉葉溫成酒
襖織梅花軟入綿
經室爐添羊脰炭
道床屏護鷓鴣烟
遙思病叟頭如雪
冒冷遐征想自憐

送鶴還建康章德茂侍郎因成兩詩

來時雪羽帶緇塵
養得摧殘病離身
曉浴池寬蒼筤遠
夜棲籠闊海棠隣
吟詩屢聽狂居士
入夢應思舊主人
且喜載隨千騎去
不妨乘勢長精神

風儀不稱汨泥塵清向亨衢快舉身魚鱗符行作伴
鷺洲燕巷得為隣華亭清唳如前日蜀道高風過昔人
他日侍郎登鳳沼却來湖畔靜怡神

入園聞鶴唳

解事昂藏兩令威叫晴隔水要人知喜渠飛舞開籠日
值我行歌出戶時梅院共期清月上芝田休費碧雲思
長閒便是延年法鶴不同謀更與誰

送徐衡仲歸侍次福建帥屬二首

三年林曲喜談叢交薦俄聞得數公竟覓一官蓮幕下
漫添千詠錦囊中時乖豈但馮唐老性癖甘如叔夜慵
應是黃花過江路笑垂雙袖立西風

和篇猶未忽成行

案問方
有詩債

無奈離情雜愧情風雨連朝

難遠送湖山何日再尋盟飽參屢見從頭舉識破懸知
到處輕疎懶祇愁書問少望君因便却傳聲

登梅橋望桂隱

常日居園不自奇今朝勝處上橋知平湖百畝橫當戶

茂樹千章翠繞籬隣寺鐘魚初歷歷里閭雞犬亦熙熙
隔城更有青山在朝揖吾家出好詩

喜楊誠齋赴召

病中何事却懽欣聞召高安老使君碧落豈容留綺夏
紫微端要著卿雲朝天續集開新詠解易元談記古文
應笑清臞約齋子湖邊猶戀白鷗羣

碧落錫郡
圖堂名

誠齋以南海朝天兩集詩見惠因書卷末

筆端有口古來稀妙悟奚煩用力追南紀山川題欲遍

中朝文物寫無遺後山格律非窮苦白傳風流造坦夷
霜鬢未聞登翰苑緩公高步或因詩

南湖有懷遂初尤公侍郎寄贈七言

停驂曾送柳邊舟忽忽今冬病故秋望遠溪山常入夢
寫殘書信只成愁明心坐斷三千佛謁帝行歸十二樓
臨水憶君誰復信亂烟淒暮白蘆洲

呈曾仲躬侍郎

公道欣從禁路開世家今有偉人來共推掌學文清手

突過談兵杜牧才老眼知人明月鏡時情薦士冷稽灰
詩章活法從公了要使諸方聽若雷

次韻叔祖題詠澤亭

疆塞聲威昔據鞍築亭聊此水雲看地連牛斗東南勝
心體鳶魚上下觀一節愛君通表裏百年耽句置炎寒
莫疵緣岸規模淺幽潔從來極怕寬

有懷叅政范公因書桂隱近事奉寄二首

石湖仙伯住吳門事業文章兩足尊南北東西曾遍歷

焉哉乎也敢輕論桂園柳色金絲織笠澤桃花錦浪翻
小大風烟俱自適鷓鴣巢終莫擬雲鯤

迂疎那可作治中間事歸來却不慵曉炷佛香聊作觀
晚投社飲亦稱儂荷衣製就身宜著菰米收成手自舂
竅是今春多偉績萬叢蘭四百株松

行近湖州不果入城寄王成之使君

江左風流燕子家有人襟度渺雲涯謳歌馮翊今分竹
詞藻西垣舊判花相望每居形迹外投閒常動別離嗟

因行一見還成阻誰謂人遐自室遐

過臨安海會寺東長橋有懷蘇文忠公

竦踴峯環碧玉城亂蟬爭送夕陽明飛橋預快登山足

壞塔遙增弔古情

橋東北望功臣寺塔

陳迹幾年驚夢幻清文隨

處振英莖胡床等到三更看閒過桐鄉或駕鯨

許深甫宰分宜

崢嶸飛藻妙無前廊廊披懷萬丈淵久矣顧交嗟跡異
茲焉覲面實心先雪窓政握持盃手風淑驚排轉柁船

名宦祝君誠長語安心西去試鳴弦

因過田倅坐間得姜堯章所贈詩卷以七字為

報

京塵輿馬競揚埃何礙騷人獨往回我住水邊奚自識
詩如雲外寄將來一從風袖攜歸看屢向松亭靜展開
應是水清逢玉潤只因佳句不因媒

千岩居士蕭東
夫即姜婦翁也

賀蕭叅政

向來投謁未嘗頻今日尤宜後衆賓先世年家登政府

時情禮數到閒人只將忠實酬明主果見推遷作大臣
何用撫孤多軫念園花開勝去年春

叔祖國學座間請觀詩編因賦

出門何許會初心家有師儒是學林畫古更因金印偉
書叢方稱錦堂深朱橙薦酒隨冬蟹翠萸披牆引暮禽
每幸酸醎得同嗜可令傾耳闕韶音

送鄭剛中赴江東叅議

去程遙指石頭城秋與鍾山老氣清紉繹蓬巒曾正字

參陪蓮幕試論兵時平得計甘微祿學古無心急近榮
君豈江淮久遊客歸來矍鑠上承明

回渡荷葉浦

宿雨驚眠變早涼喜成風便放歸航山雲野樹水墨暗
蘆葉荷花文繡香藉枕水藤醒倦思打簾珠浪發清狂
天圍平浦方宜眼便腹飛帆莫太忙

次以道荷葉浦

向來曾愛葉田田落日荷花擁櫂前霜冷不移魚世界

葦殘聊作鴈家緣詩狂頃刻成三首懶病中間接四邊
除此今朝無別事與君相就樂航船

又呈坐客

天假南湖一段奇賓朋胥會只論詩人生未老肯閒日
春色無邊方盛時林外好山看獨慣塵中新事問寧知
從來邂逅宜真率花下杯傳却莫遲

客至

麝萱沿徑綠抽牙文杏飄蹊白覆沙過半春光須愛惜

咎來人事費攔遮妨尋蟻徑看排陣阻向蜂筒聽報衙
癖性杜門猶憚此刺頭塵土可堪嗟

次韻酬陳伯治監倉

小築才成賜也牆傳家那是釣徒張非求世上人看好
但要閒中句律昌成陣遊鯨波上暖打團飛蝶菊初荒
隣翁莫厭頻相遇會見翱翔入未央

送葉景良知嚴陵

千古風高仰釣臺朱輪新擁得通才政聲易報長安近

家學知從雪水來半載依仁方恨別雙魚傳信肯慵開
分攜強飯休頻祝鋒名需賢定挽回

送謝良齋得間西歸

向來朝列雖知己臺省山林職事殊勇退近聞辭北闕
醉遊唯欠到南湖心傳古學高當代力把忠言壯晚途
競說歸舟賣金帶囊空想見一錢無

戲呈鄭去華縣丞

疊破當年御賜袍飽看人釣六靈鰲行藏雖似少中節

識趣不妨依舊高入夢傳巖初豈意上書曼倩本徒勞
浮生萬事天都了愛惜君才祝善刀

謁客不值夜夢見之

澄湖樓畔梵王宮門外陂塘盡日風來訪故人嗟未值
絕憐秋色與誰同不遑將毋君應嘆始可言詩我未工
須信夢多因境熟夜深猶在寺門東

官舍夢歸南湖

林野相望不隔關夢魂徑到豈為難恍如天上飛升客

忘却人間走俗官
崑桂直通籠鶴檻
水荻斜倚釣魚竿
覺來不忍輕開眼
窓外芭蕉戰曉寒

曾無逸餉風瀾十團扇報以七言

君才霽月破陰分
因物還將比似君
水上風雲真解悟
目前意到便成文
輕濤浮突羊頭起
急溜爬髻虎爪分

珍重南豐橫別派
洗空浮濁幾人羣

羊頭虎爪皆
扇上水名

許深父送日鑄茶

短牋欣見小龍蛇
諫省初頒越嶺茶
甕缶祕香蒙翠箬

蠟封承印濕丹砂清風灑落曾誰比正味森嚴更可嘉
堪笑雲臺方忍睡强行松徑嚼新芽

遊叔祖次對宅南新園詩

入門疑是洞中天有此人間事兩全深窈高明俱要景
安閒榮盛未衰年軒窓處鶴千層竹風雨催詩十畝蓮
聞道從今畢婚嫁陰功專為子孫傳

五林方沈氏居

路轉蒼灣靜者家抱牆脩竹舞簷斜佛燈鏡照無盡像

書館池栽成行花麤有田園真可樂不維車服更何加
晚來清致因閒取非故邀君一煮茶

南湖夕泛

欲知家住畫圖中靜向波心漾短篷粉墨暈開天水色
碧朱堆上柳花叢雲邊鷗影來還去籬畔雞聲西復東
別浦夷猶豈無謂細看蘋末受清風

游新市趙侍郎園

步屣沾泥得望新霽光飛上雜花明漁篷就向池旁入

山翠盡從窓外橫，因想主人持酒興。
直須居士詠詩聲，浮生果解隨緣足。
適意真強爵與名。

遊韓氏園有客先歸

風日催荷作老香，便將新句責胡床。
重山抱屋臨幽爽，四月邊湖納晚涼。
扇景不驚蛙黽坐，槃飧還愛筍蔬長。
佳賓壯論能投俗，歸路誰憐鬢雪光。

寄題任子嚴漕使盤園

身即林園不世功，喜驚今乃有人同。
規模內相雄文裏，

景物時賸雜詠中前輩風流何敢似後來評論想能公
誰曾寤寐聲形隔真樂從茲觸處通

離無錫夜入溪莊港口

出山猶自雨隨車到得溪橋一點無冷月半明雲未去
垂楊成行葉全枯竹添東墅方清陰人在南湖已白鬚
應是田翁喜儂至旋吹燈火競歡呼

雨中憶曇少雲奉寄

天意今年不惜涼雨聲秋後恣淋浪單衣已覺生絺薄

細字初便短燭光
畫餅功名孤塞路
守株身世老江鄉
吾儕政要無人識
黃葉深林氣味長

虎斑猫

百丈慵叅老野狐
一雙俄得小於菟
眈眈肯聽豺聲怯
索索當令鼠輩無
既與道人常並坐
何妨童子戲編鬚
硬黃新染香如蠟
從此書堂不閉厨

錦池汎舟贈莊器之二首

槐葉鶯聲兩度春
笑言常恨獨叅辰
相過便說幽居好

別後應多秀句新
賀監湖邊山作伴
若耶溪上月為隣
涼秋定扣松扉去
一舸從君理釣緇

翠舫迎涼避日行
只隨風去不須撐
雲移茂樹添層影
魚喜新荷觸嫩莖
客有何人從遠至
天憐吾輩太清生
功名世上雖為急
弄水褰芳未可輕

遊俞氏庵次叔祖韻

青山穩處衲僧家
得趣應難向客誇
春砌浪生金鳳草
夏窻低映木龍花
安禪舊日叅臨濟
照影新遊愛水涯

酩酊詎論歸路晚壁間貪縱墨翻鴉

賣花

種花千樹滿家林詩思朝昏惱不禁擔上青紅相逐定
車中搖兀也教吟雖無蜂過曾偷採猶恐塵飛數見侵
應是花枝亦相望恨無人似我知音

泊吳江塔院喜霽

風雨因何犯曉來不教閒却好詩材直須船內幽人起
始放天邊暖日開傑閣豈容關一面長橋渾欲走千回

歸時相見逢佳月忙殺同行鸚鵡杯

舟行

經夕舟行路未賒不須寒夢早還家雲連岡勢通平野
雨溢灘聲走亂沙蘋蓼靜憐魚世界菰蒲遙想鴈生涯
元真便合苕溪隱莫待摧頽兩鬢華

出德清縣

天公有意作詩顛入得苕溪未見蓮先放水蒹葭半里
更將蘆葉界平川明金扇日停蒼渚碧玉環山吐白煙

非是老夫來領略此中那有地行仙

出餘杭縣

暑劇中宵枕屢移夙興猶得趁涼時
平衝露氣籃輿穩遙雜星芒篠炬隨
觸景有詩聊記述為人無術漫驅馳
須更假寐誰驚覺隔岸清風叫子規

之官離桂隱

坎止流行總付天好閒初志獨茫然
巢成不去憐林鳥門外空維念釣船
老矣春容聊索漠薰兮風序向清妍

雨聲未易催愁得投暇歸來意最便

題昌化縣雙溪館

犇流檻外薄谿鳴曾入坡仙拄杖聲天目遠連山勢曲
路頭爭說縣官清林重鳥愛衝煙沒橋毀人看涉水行
忙裏能偷此閒樂抗塵寧復嘆勞生

題臨川道中玉虛觀

拔宅清都去不還尚留仙事警其頑靈茅歲久香猶發
丹井功成水自閒日轉空庭松影瘦雨餘幽徑蘚痕斑

雲駟鶴駕何曾遠滿耳天風吹珮環

閒步遊紫極觀

青惜高杉覓望寬仙廬幽占路紆盤邊花製古裝門榜
老桂枝拳倚醺壇顏色不同輕紫綬精神常在慕黃冠
蜂巢蟻垤非吾樂終買雲扃種木餐

題天台凝真宮陳道士緣化藏經旣成求詩還
山

羽帔褊褰下赤城燒松禿兔氣尤清書成胝手憐心苦

神護頰肩覺擔輕萬笈雲籤來北闕一朝寶翰得東明
明年我欲仙遊去要聽巖扃曉誦聲

水僊花

鯉魚程濶海茫茫照眼瓊標十二行礬弟梅兄同舊隱
風姨月姊特新粧湘濱人遠難聞瑟洛浦才高最斷腸
何似香嚴真寶處鼻端無竅著猜量

贈嗣持上人

持也耽耽老比丘吾如松澗瀑春流經年欲見渾無便

連日相逢若舊遊
柏子軒窗飜梵夾
荷香亭上款茶甌
真成此外無餘事
莫說機關向上頭

贈崇先寺長老

飛騎原頭快著鞭
暮溪呼艇訪幽禪
霜輕正屬收橙月
雨霽真成種麥天
問答因緣隨處是
推敲事業此生專
無塵幸有西偏竹
浴罷從師借枕眠

吳江鮓戶獻鱸

舊過吳淞屢買魚
未曾專詠四腮鱸
鱗鋪雪片銀光細

腹點星文墨，暈麤西塞鰕。肥空入畫漢，江鱖美阻供厨。
季鷹莫道休官去，只解思渠絕世無。

歸南湖喜成

路轉斜橋似夢醒，擁衾搖兀亦身輕。知期岸鵲如相語，
匿笑隣翁欲鬪迎。見處青山還委麼，遮回居士太猷生。
矮籬半路寒毬樹，新種渾如舊種成。

安溪晚泊因到無淨院

十丈亭橋穩踔溪，斜陽紅艷入船低。枯筇徑過荒街北，

靜院深尋破廟西遊伴苦無成獨笑物情諳遍任難齊
歸時早是星煩出影漾波痕上下迷

遊南山普寧院中止有數僧別立堂處村僕
幾百人號師翁道友分執薪水負戴掃除直
補之後暇即乞米贍衆溪南二里許名石口
聞冬時梅花甚多

入港晴蕪遠際山鷺羣翻處綠迴環林隈隱寺僧慵出
橋底通船客正閒乍喜身心俱寂靜足憐名相惑愚頑

興闌猶約寒梅發月下來觀側近灣

宿西菩山明智寺詩

路轉溪山果大奇茂林門徑古苔滋坐餘沿石閒聽水

茶罷巡簷遍讀碑飛白灑然前輩字

辯才滌軒楊無為書榜皆在養

魚浴却向來池

參寥子舊居有池泉極清今為僧房

菖蒲茸茸仙人髮隨

我歸來與靜宜

主僧以溪蒲見贈

楊伯時李子永潘茂洪同遊安福寺詩

湖濱初試暮春衣綠逕鐘殘到寺遲二月梅花還傍竹

一時遊客總能詩
橫欄著硯爭濡墨
斷石緣蒲靜看池
莫問隣亭是誰築
山園持酒本幽期

蘆山長老慧舉見訪約遊其臨平庵居自號雲

邱草堂因贈四韻

此客南湖不易逢
幾年塵外願相從
風流前輩親曾識
興寄高情老未慵
行柳映門宜著舫
青燈同坐到聞鐘
稻畦蓮渚臨平境
何幸同師覓舊蹤

稻畦蓮渚見唐張祐寓居臨平詩

過紅城子

濶港旁邊狹港橫大橋側畔小橋平
吠人黃耳穿籬走喚子青裾出戶迎
寒日樹枯山得勢順風檣穩浪無聲
自知吟寫紅城景不讓丹青筆作城

暫往吳興出城

數聲初聽放船鉦小雨衝涼晚出城
遙見人家層蔭合便無風袖一塵生
園林豈乏清閒樂鷗鷺須尋浩蕩盟
秋色此行方到手快來詩內發精明

蒼筤花盛開因賦四韻

桃杏空為澗上霞移根爭似覺王家衆香不復推沉水
六出分明是雪花柳岸風連荷葉上葛巾人坐竹陰斜
題評更得吾詩後醒睡從今合勝茶

靈源精舍小憩舊名龍泉有古井極甘冽

姑惡聲催雨不來暑雲空際只崔嵬投鞭得地古佛剎
看竹滿窓風葉堆百歲可堪輕日月一官纔得便塵埃
清泉酌罷猶貪戀更淪松黃當茗杯

山寺小憩

趨寺松杉夾徑栽，解鞍流憩得莓苔。
塵昏金篆牌猶掛，燈暗紗籠殿不開。
老鶴就涼臨古井，幽禽尋食下生臺。
詩成漫記簷間柱，去矣何時復此來。

遊昭慶寺

招提徐步已身輕，禮懺僧忙不出迎。
側殿掛燈窺塑像，小廊流水愛經聲。

南僧諷經音韻平
帖謂之流水聲

心安久矣空塵想

夢異當年記宿生，目送繞門山更好。
肯閒何處不堪行

夜宿華嚴寺

蒼檜陰陰未掩門
閒來吹鬢一飛蚊
香騰廣殿遊雲合
燈繞長廊列宿分
般若心華方照耀
毗耶寶雨自繽紛
世緣即是棲禪境
居士何嘗別見聞

與諸弟遊天竺

出門殘月帶晨鴉
飛蓋相從縱五花
風綽敗蘆依岸老
水分洲渚抱山斜
橐韃未遂書生志
鐘磬聊尋衲子家
何物最能舒望眼
曉雲吹霽不成霞

姑蘇懷古

昔年宮殿雨苔荒
花徑無人採舊香
宰執若能容國士
西施那解誤君王
輕寒客子垂雙袖
落日啼烏下女牆
成壞不將供一笑
爭如烟外罩

女減切

漁郎

平望遇風

平望陂湖一望平
當年地誌豈虛名
微茫遠樹山同出
破碎層雲日鬪明
更著百千寒鴈叫
偏宜三四旅帆征
疎簾揭起從風入
要洗頻年鬱滯情

曉出海會過新溪渡

喧喧人語做行裝
廣殿燈寒暗古廊
橋截漫灘收夜色
路經層岫吐朝陽
鱗差白石中流見
櫛比蒼筠夾塢香
爽氣正濃詩興薄
歸途應愧挈空囊

寫村舍壁

路轉溪隅草色蒼
煙霏雲屋帶漁鄉
鷄頭葉老陂塘暗
狗脊花繁籬落香
景物向人須品藻
太平無地不耕桑
何時秋入豐年社
持蟹來聽壓酒牀

書東遷褚氏壁

風晴舒望綠吹林
艤擢蒿田曲逕深
淳朴山川追古俗
蕭閒林谷許幽尋
羸金不必多留子
種德先須善用心
動我耕耘平日興
濁醪歸緩肯辭斟

劉子履少卿挽辭二首

氣蓋兩峯蚤食牛
堂堂聲譽冠諸劉
直言不愧上方劍
妙句常輕萬戶侯
仙藥了無金鼎效
夢魂空繞玉關秋
當時若假三千騎
豈但區區活泰州

釋和書上已經年
敵騎南來果化邊
太息龜靈成底事

漫聞鴻寶得家傳平生喜踏天山雪
晚歲愁看瘴浦烟
務實褒稱曾未泯不須疑恨入重泉

南湖二亭落成各書長句一首

望處陰雲縱復橫落梅那更兩關情
清愁入夢時飛蝶
遠樹和煙欲嘖鶯多病半春詩債滿
經旬無客酒緣輕
湖亭記取初成日正是菖蒲斫水生

野芳

不負從今浦浦風柳陰方稱繫疎篷
窓前細雨攤魚網
壁上斜陽曬釣筒肯厭隣僧頻見過
有來窠燕亦相容

甘心到老無人采莫比當年渭水翁

漁鄉

題王恭父校書新闢書軒

仙翁眼力信非凡到處偏工鑒別山消得好鳥巢屋上
旋移空翠入窓間平生萬卷端能合從此三杯不等閒
莫訝倏來猶屬意野人日用實相關

軒中望南北山三塔政如桂隱所見

書事

刺喜居園野趣成今春添得四橋橫猿猴漸解擎書策
鸚鵡新能喚佛名酒旆靜垂牆杏雨茶鐺閒試硤沙晴

連年固自窮幽討新試頻伽一兩聲

戲題故袍

垂髫便衣綠荷衣兩見龍飛聖主時舉世恩榮俱合換
唯吾憂患只該披

比以家難故
年限未及

收藏儘好隨腰帶提掇

應堪傲鬢絲試使著來門外立精神猶勝似鍾馗

榜書軒曰景白以爐香事樂天像因題律詩六

韻其上

賢如文正及文忠迂叟東坡盡學公自顧人才雖太遠

仰希閒樂或相同野邱寺觀遊須遍

公醉吟先生傳云洛陽內外凡觀寺

邱墅有泉石花竹者靡不遊

臺榭舟橋樂未窮醕酤酒拚猶欠量平

夷詩効竟無功子遲髮白如先約官達名高定不逢賴

有香山類東刹西方內院各心空

公有詩云海山不是吾鄉處歸即須歸

率天僕每勸人修淨土業捨東宅為蘭若嘗回向本願云



